

敬
义
堂
诗
集

第七卷

敬義堂詩集卷之七 庚戌集下

鶴山侯鼎芬薌田甫著

春游二首 丙辰

誰爲春寒更樂遊。愛看山色盪扁舟。
村原無限蕭疏景。莫待垂楊掩畫樓。

石徑穿林竹繞籬。閒行時值雨絲絲。
茅亭坐識田家趣。向晚春醅醉莫辭。

消寒雅集次韻二首

畫燭銀杯夜未闌。酒邊乘興更詩壇。
幾人才思春潮湧。筆掃層冰不憚寒。

重簷香篆小西樓。琴奏牙期逸響悠。寒夜高談忘漏永。
可曾風雪襲貂裘。

消寒雅集二

雪意晚窓竹。寒香春徑花。簾開新燕入。客至夕陽斜。鷄
黍初成局。旗槍合鬪茶。圍鑪勝挾纊。眉月上窓紗。

感春

無限春愁入渺茫。輕烟微雨遍林塘。數番風鶴搖清夢。
咫尺雲山憶故鄉。身世靜觀餘傀儡。潮流趨勢欲滄桑。
縈懷西望牂牁水。近築高原一草堂。

游戴氏祠堂次韻

汾水東邊訪戴祠。春風隨處有花枝。桑麻境寂游踪少。
鐘鼓樓空落照遲。世變疊經兵燹後。鈞衡還憶聖明時。
謂戴文百年我亦傷遺逸。莫誦離離不黍詩。

敬義堂落成三首

小築高原一草亭。平臨碧隴俯青溟。閒居自笑終無分。
陋室吾惟德是馨。近借鳥聲當鼓吹。遠移山色入簾屏。
數椽暫寄南窻傲。睡起憑欄酒未醒。

甲乙洪災兩歲經。西江狂潦走驚霆。比鄰減竈群高屋。
居士浮家泛小舲。榕徑今晨開宿霧。草堂昨夜繞春星。
芳園獨樂應慚負。且學濂溪綠滿庭。

世業青緇舊有名。安排書卷集瑤瓊。家風淡泊餘傳研。
手澤叢殘尙滿楹。嵇鏡湖山思務觀。柴桑烟月老淵明。
關山戎馬何時息。斗室遺安課讀耕。

酬呂君蘭蓀惠水仙花四首

補作

夜月凌波有莫愁。

見馬君莫愁湖志

水西湖上詠孫樓。銀盤玉

蕊香凝雪。疑是芳魂冉冉留。

蘇軾作

新歲羣芳獨占魁。丰神瀟灑擬寒梅。繁華隊裏饒清趣。

曾向瑤池濯魂來。

水石移根到曲欄。春朝欲霽覺風寒。湘靈解怨詩人俗。
艷說梨花帶雨看。

南畝村農今畫師。

君居南畝村農自號南畝村農

瀕行贈我花相隨。名

花名畫亦兼愛。更願妙筆傳仙姿。

感時二首柬葉君答其哀廣東之作

舟楫難通越再旬。寧知滄海亦揚塵。珠江近識吳艤集

沙岸驚看趙幟新。

謂沙坪戰事

世亂真如蟻蝨起。天荒惟任

兔狐春。空山獨坐憂時變。何處桃源可問津。

北伐南征事屢聞。陸沈誰與定風雲。何因名利滋荼毒。且爲蒼黎拯溺焚。虎視強鄰方逐逐。魚騰大壑尙紛紛。六朝五代前車在。忍睹河山破碎分。

寄懷葉君二首

願君莫憂世。且自樂羲皇。心遠囂塵息。身閒逸趣長。琴
書供嘯傲。杖履得安康。蘭玉欣騰茂。歡然一舉觴。
老去文章健。分箋惠草堂。駢儷參六代。聲律溯三唐。頤
養懷安宅。飢驅愧異鄉。時艱弦誦輟。無計買歸航。

早起

早起南望樓。清溪碧漲深。瀟瀟昨夜雨。漠漠曉雲陰。草
際過村犢。沙邊靜水禽。定知高臥者。幽夢正沈沈。

晚涼卽事二首

晚風聲在樹。涼氣薄孤倚。亭檻看調馬。臨流欲泛船。異
花冰雪聚。幽鳥管弦聽。多暇饒清趣。詩懷入渺冥。

濕翠蛾眉小

螺岡狀若蛾眉

晴嵐鴉髻高

吾鄉鴉髻山晴時可見

崗橫連

樹色山遠隔風濤客恨烽烟急鄉愁版築勞杞憂空自縛縱酒且持螯

花圃書懷

夕陽黯淡暮雲橫聞道旌麾各擁兵塗炭生靈空飲恨
弁髦塵世轉忘懷魚因罷釣攢波影犬識傳餐吠角聲
物性多殊誰爲測閒尋芳圃問花名

工版吹角則羣犬號吠

李君少河錄寄近作因用其語作起句爲寄懷

一首復之

光明普照實無慚何事禪棲一草龕鏡爲新磨塵不著

月逢清夜水初涵，平生磊落名心盡。世變紛騰醉夢酣，說法願從高座聽。不妨魯叟作瞿曇。

花間戲詠三首

心腸鐵石詎能移，盡日看花亦太癡。可是裴休工說法，俗情不染對歌姬。

瑤臺羣玉最關情，常恐凡心暗裏萌。好謝繁華歸淡寂，嵩陽高臥夢魂清。

是色非香北岸花，淺紅深紫數枝斜。寧知物性能區別，蜂蝶飛飛隔晚霞。

涼月獨坐

夜涼月色上簾波。人靜更深悄若何。久客任教歸思淡。
新詩還帶戰塵多。香焚寶鴨烟縈篆。髮映銀蟾髻欲皤。
莫向江潭重回首。昔年種柳已婆娑。

次韻答葉君

牂牁西極來。蕩漾碧如帶。無端集餘艎。戈馬恣芟艾。感
此念故人。停雲悵渺藹。故人濟時彥。鬱鬱嗟老大。竹虛
清與鄰。松高勁偃蓋。俯視蠻觸鬪。翻覆亦云太。鄉居研
稅薄。幸脫烽火外。詒謀舊德重。先疇曷足賴。樂天達哉
行。曠觀此爲最近思。項城轍夢幻空狼狽。

寄懷馮君子壽二首

山川悵修阻。雲裏望中樓。

樓君居望坊

徑轉桑麻遠。居環松

竹幽。弦歌鄒魯境。詞翰海天秋。咫尺驚塵劫。前番憶杞憂。

戰烽今未息。滄海更騰波。世變紛如此。天心醉若何。客途風鶴警。鄉樹暮雲多。待訪楊雄宅。尋梅載酒過。

汾江戒嚴二首

西兵何太迫。破竹下汾江。豈爲扶危局。頻來走戰幢。虎貔新隊猛。鵝鸛舊軍降。闐闐紛傳警。塵飈到客窗。遍野哀鴻舊。沿江敵艦新。鼓鼙喧岸渚。烽火動居鄰。旅夢醒殘角。家書斷戰塵。河清原可俟。難恃百年身。

翌日汾江失守二首

欽

交綏失重鎮，枉自信材官。轉餉煩箕劍，臨戎但壁觀。無
能伸直氣，終恐釀危端。獨仗調和力，閭閻萬室安。
犄角無餘險，孤城旦夕危。將軍操勝算，壯士怯登陴。誰
更張黃幕，相看展素旗。寄聲珠海客，高枕待西師。

舟車斷絕感賦

欲行頻聽鷓鴣聲，斷楫推輪杳去程。何處黃塵馳驛騎，
有誰碧海掣長鯨。故園咫尺成千里，新壘縱橫築萬營。
待息烽烟問家室，何時攬轡得澄清。

詠史四首

隱然敵國意差強。吳漢威名許頡頏。誰道將軍非好武。
竟令豎子不能狂。摩星列戍摧強虜。鎮海環城闢戰場。
從古英雄多偉畧。山河咫尺重封疆。

可笑蚍蜉不自量。盜兵偏欲溷池潢。蒼生何罪罹鋒鏑。
赤縣無端墜恐慌。輿論千秋分皂白。俗情萬喙任雌黃。
應愁身與名俱殞。醉夢人間枉擾攘。

何事虛名鎮一方。坐觀成敗意參商。救焚拯溺無餘畧。
淡雨零風祇斷航。兒戲徐劉同一概。軍書星火費千章。
民愚詎識韜鈴秘。翹盼新猷次第張。

二三豪傑爲時忙。始信名心未肯藏。大海波濤翻不定。

中原軌轍慮全荒。眼看閭閻脂膏竭。手握軍儲億萬償。
終是臨川經術壞。前途貽誤正茫茫。

郵使歸途被盜于九江沙口間

萑苻兵燹外。白晝攫人金。失馬空論塞。烹魚漫漑鰲。風
塵迷醉眼。笳鼓動秋心。信使應難遣。何勞問道尋。

哀兵禍

黷武古所戒。况操同室戈。出師必有名。非名將謂何。溽
暑戰近郊。西北陣雲多。巨礮震霆激。流彈飛雹過。殘毀
遍村墟。瓦礫成陂陀。覆巢詎完卵。焚林乏全柯。哭聲動
原野。脫險駭崩波。老弱相扶携。健足無明駝。生者悲流

離死當填邱阿。任驅獸入阱。誰憐雉羅羅。豈無慈善恩。
奮救出旋渦。爭奈瑣尾憂。昊天方薦瘥。兵革縱云息。故
里燕青莎。

哀賊禍

敵勢趨危城。主將嚴陣地。鏖戰時萬人。馳突日千騎。誰
暇賈餘勇。殲此兇橫類。蔓延佈郡邑。出入任縱恣。被擄
達千百。洗刦恆再四。饑涎及鷄犬。搜括至糧糈。終夜愁
虎狼。白晝怯魑魅。道途旣梗塞。風波輒失墜。舟航杳無
蹤。行旅畏復避。豪富紛遠引。窶貧重遺累。析骸古所聞。
遏糴今豈異。世亂遭慘黷。民生倍顛顚。吾欲諷有司。移

此軍械利，掃穴擒賊渠。慰彼閭閻志，徐圖補救術。教養可兼施，虞詡並龔黃。千古仰循吏。

劉同事任卿園中餽酌暢飲因贈以詩

伏波垂老尙能軍，顧盼雄姿許策勳。戎馬關心談往轍，園亭命酒對斜曛。白翻鱸膾千層雪，紅襯鷄冠萬朶雲。

此花特盛一朶雲尤佳

花裏分籌拚一醉，時危誰與盪妖氛。

昨夜

始覺秋消息，樓頭昨夜風。露涼多警鶴，天遠淡征鴻。盜賊杯蛇影，賊時耗有園林劍戟叢。不眠聽畫角，愁對燭花紅。

和葉君到訪書齋韻

曾羨名流萬柳堂。數弓聊築水雲鄉。應無江漲凌高屋。
自有山容約夕陽。人靜雛禽時送語。客來塵壁亦生光。
剡溪乘興休迴棹。難得新秋一味涼。

擬李義山無題二首

傷按舊注義山無題
不遇而作也

關懷風月意常親。誰道三生證宿因。銀海夜疑通款曲。
玉樓寒欲襲衣巾。非無好會空成夢。別有春愁但愴神。
渾是相思渾莫解。情絲難繫轉蓬身。

瘦盡腰圍奈若何。秋風落葉洞庭波。盈盈一水無青鳥。
朗朗層霄有素娥。應羨靈犀心裏度。轉愁采鳳眼中過。
蓬山自分緣終淺。休聽霓裳月夜歌。